



Directivas davart la finanziaziun speziala «sport» concernent contribuziuns per centers da prestaziun

Sa basond sin l'art. 31 lit. a da l'ordinaziun davart la promoziun dal sport e dal moviment (ordinaziun da promoziun dal sport) dals 7 da fanadur 2015

relaschadas dal departament d'educaziun, cultura e protecziun da l'ambient ils 27 da zercladur 2019

Art. 1 Pajament da contribuziuns per centers da prestaziun

¹ Per centers regiunals e naziunals da prestaziun en il chantun Grischun ch'èn previs en il concept da juniors da la federaziun naziunala e che survegnan ina contribuziun per la promoziun da juniors (CPJ) da Swiss olympic, pon vegnir pajadas contribuziuns.

² La sedia e l'activitad principala dal center da prestaziun ston esser en il chantun Grischun.

³ Questas contribuziuns servan a finanziair ils custs per trenadras e trenaders ed ils custs d'assistenza che stattan en connex cun la gestiun dal center da prestaziun.

Art. 2 Inoltraziun e tractament da las dumondas a) adressat

¹ Las dumondas da contribuziun ed ils documents ston vegnir inoltrads al post ch'è inditgà sin il formular da dumonda correspondent.

Art. 3 b) agiuntas

¹ A la dumonda ston vegnir agiuntads ils suandants documents:

a) formular da dumonda;

b) ultim(s) rendaquint(s) final(s) da G+S da las purschidas che ston vegnir attribuidas al sport da prestaziun da l'onn chalendar passà en las gruppas d'utilisaders da G+S 1, 2 e/u 4;

c) ultim quint economic concludì, bilantscha e rapport dals revisurs.

Art. 4 c) termin d'inoltraziun

¹ Las dumondas da contribuziun ston vegnir inoltradas fin ils 31 da mars (decisiva è la data dal bul postal resp. dal e-mail).

² Dumondas inoltradas memia tard na vegnan betg resguardadas.

Art. 5 d) decisiun davart il pajament da contribuziuns per centers da prestaziun

¹ La regenza decida davart l'autezza da las contribuziuns.

² La decisiun vegn communitgada en scrit a las petentas ed als petents.

Art. 6 e) basa per fixar la contribuziun

¹ La contribuziun per centers da prestaziun dal chantun Grischun vegn eruida sin basa dals suandants parameters:

a) part variabla activada sin fundament dals engaschaments da trenaders da las contribuziuns CPJ da Swiss olympic per mintga portader da CPJ;

b) activitads da G+S en il sport da prestaziun. Ils rendaquints finals da G+S da las purschidas che ston vegnir attribuidas al sport da prestaziun da l'onn chalendar passà en las gruppas d'utilisaders da G+S 1, 2 e/u 4 èn decisivs.

² Novs centers da prestaziun pon vegnir sustegnids cun finanziaziuns da partenza.

Art. 7 f) examinaziun dals documents

¹ Il documents inoltrads vegnan controllads da l'uffizi per la scola populara ed il sport.

Art. 8 g) pajament

¹ Las contribuziuns che la regenza ha fixà per centers da prestaziun vegnan pajadas mintgamai la stad.

Art. 9 h) comunicaziun da las contribuziuns annualas per centers da prestaziun

¹ Las retschavidras ed ils retschaviders da las contribuziuns ston inditgar las contribuziuns annualas dal chantun Grischun en lur quint annual.

Art. 10 Cundiziun

¹ Las contribuziuns per centers da prestaziun vegnan pajadas sut la cundiziun che las marcas «graubündenSPORT» e «Swisslos» vegnian represchentadas en moda adequata. Bandieras u models da stampa correspondentes pon vegnir retratgs dal post ch'è inditgà sin il formular da dumonda correspondent.

Art. 11 Recurs

¹ Cunter las decisiuns da la regenza poi vegnir fatg recurs tar la dretgira administrativa dal chantun Grischun, Obere Plessurstrasse 1, 7001 Cuira, e quai entaifer 30 dis dapi la consegna da la decisiun contestada. La decisiun contestada ed eventuels meds da cumprova ston vegnir agiuntads.

Art. 12 Entrada en vigur

¹ Questas disposiziuns entran en vigur il 1. da fanadur 2019 e remplazzan las disposiziuns dals 11 da schaner 2016.